



VATANDOSH

Vatandin yaxshi yor bo'lmas!

www.vatandosh.com The First Uzbek Newspaper in the U.S. | AQShdaги биринчи ўзбекча газета | 1 декабрь, 11-сон

Аҳмад овоз ёзиш ва пластинка чиқариш борасида йирик «Атлантик Рекордс» муסיқа индустриясини яратиб, ўша пайтдаги Американинг энг бой миллиардер кишисига айланади.



АМЕРИКАНИНГ ЎЗБЕК МИЛЛИАРДЕРИ

8-бет



4-бет

Ўзбекистон миллий терма жамоаси сардори Сервер Жепаров иккинчи бор Осиёнинг энг яхши ўйинчиси деб топилди.

ОСИЁНИНГ ЭНГ ЗУРИ

ЛЕЙТЕНАНТ ТУХТАСИН!



«Катта-катталар»нинг хизмат машиналари ўтадиган катта кўчада қаҳрамонимиз, йўл ноziри лейтенант Тўхтасин хизматда.

12-бет

ЯНА БУ СОНДА:

- «ВАТАНДОШ» ДАН ХАТ - 2-бет
- ҲАВО ЙЎЛЛАРИДА «ҲАД» - 4-бет
- ФУҚАРОЛИК ДАН ЧИҚИШ - 5-бет
- ДЎППИСИЗ ЎЗБЕКЛАР - 7-бет
- МАТБУОТДА НИМА ГАП? - 10-бет
- ТИМУР БИЛАН СУҲБАТ - 11-бет

718-338-1040 www.MyGolan.com

Golan Dried Fruit

Gourmet Dried Fruit & Nuts
From around the World

1496 Coney Island Ave. (Bet. K&L), Brooklyn, NY 11230

10% CHEGIRMA!

Xarid payti ushbu kuponni ko'rsatsangiz, mahsulotlar narxidan 10% chegirma olasiz.

OPEN 7 DAYS A WEEK

АРЕСТОВАНЫ?

ЗВОНИТЕ 24 ЧАСА, 7 ДНЕЙ В НЕДЕЛЮ 718-376-6466

LAW OFFICES OF BUKH & ASSOC., PLLC ATTORNEYS & COUNSELORS AT LAW

АРКАДИЙ БУХ New York, New Jersey & Nevada License

- РАЗВОДЫ И СЕМЕЙНОЕ ПРАВО
- ЗАЩИТА В ФЕДЕРАЛЬНОМ СУДЕ
- ИММИГРАЦИОННЫЕ УСЛУГИ
- БЕСПЛАТНЫЕ КОНСУЛЬТАЦИИ

T: 718-376-6466 F: (718) 376-3033
1123 Ave Z Brooklyn, NY 11235
www.bukhlaw.com

ОДИН ИЗ НЕМНОГИХ АДВОКАТОВ, ПРЕДСТАВЛЕННЫХ В ГАЗЕТАХ: NEW YORK TIMES, ASSOCIATED PRESS, DAILY NEWS И НА ТЕЛЕКАНАЛАХ: CBS, REUTERS



Газетага сайтимиз орқали обуна давом этмоқда: www.vatandosh.com/obuna

ЎЗБЕКИСТОН ҲАВО ЙЎЛЛАРИДА "IPAD"

«Ўзбекистон ҳаво йўллари» миллий авиакомпанияси шу йилнинг 1 ноябидан бошлаб биринчи ва бизнес класс йўловчиларини парвоз давомида бепул "iPad" планшетлари билан таъминлаш хизматини йўлга қўйди.

Парвоз давомида фойдаланиладиган "iPad"ларда аудио, видео, ўйинлар ва турли журналларнинг электрон нусхалари мавжуд.

Дастлаб, ушбу хизмат қуйидаги уч йўналишда тақдим этилди:

Тошкент→Куала Лампур→Тошкент; Тошкент→Франкфурт→Тошкент ва Тошкент→Санкт



Петербург→Тошкент.

1 декабрдан бошлаб Тошкентдан учадиган яна етти йўналишда ушбу хизмат йўлга қўйилди: Истамбул, Пекин, Бангкок, Шаржа, Дубай, Москва ва Киев.

ҲАР СОНИЯ 75 НУСХА СОТИЛМОҚДА

CALL OF DUTY MW3

«Activision» компаниясининг янги версиядаги машхур «Call of Duty: Modern Warfare 3» ўйини АҚШ ва Буюк Британиянинг ўзидан бир суткада 6,5 миллион нусхада сотилди. Бир кунда олинган даромад миқдори ҳам шунга яраша: 400 миллион доллар. Бу рақамлар билан компания медиа бозоридан рекорд ўрнатди.

Бу ўйиннинг аввалги икки вакили ҳам савдода рекорд натижа кўрсатган:

«Black Ops» 360 миллион, «Modern Warfare 2» 310 миллион доллар даромад келтирган. Янги версия келтирган даромад «Юлдузлар жанги» ва «Узуклар ҳукмдори» филмлари топган даромаддан ҳам ошиб кетган.

«Modern Warfare 3» (MW3) да аввалги сериядаги сюжет давом этиб, унда ҳам Россия ва АҚШ урушидаги воқеалар акс этган.

"IPHONE 4S" ЭРКИН САВДОГА ЧИҚАРИЛДИ

«Apple» компанияси АҚШда операторларга боғланмаган "iPhone 4S" телефонларини савдога чиқарди. Аввалгидек, «Apple» телефонлари «AT&T», «Sprint» ва «Verizon» алоқа операторлари орқали шартно-



ма асосида сотилиши билан бирга, шартномасиз ва блокланмаган телефонлар ҳам савдога чиқарилган. Фақат шартномасиз сотилаётган телефонлар нархи алоқа операторларига боғланган телефонлардан уч баробар қиммат. Алоқа операторларига боғланиб сотилаётган телефонларнинг нархи 199\$ (16 ГБ), 299\$ (32 ГБ) ва 399\$ (64 ГБ). Телефонлар икки йиллик шартнома билан сотилади.

Ихтиёрий операторда ишлатиш мумкин бўлган шартномасиз "iPhone 4S" нархлари эса мос равишда 649\$, 749\$ ва 849\$.

СЕРВЕР ЖЕПАРОВ ЯНА БИР БОР ОСИЁНИНГ ЭНГ ЗҲР ҲЙИНЧИСИ

Футбол бўйича Ўзбекистон миллий терма жамоаси сардори Сервер Жепаров иккинчи бор Осиё Футбол Конфедерациясининг энг яхши ўйинчиси деб топилди. Бу шарафга у биринчи бор 2008 йилда лойиқ топилган эди.

Тақдирлаш маросимида Сервер Жепаров «Йил ўйинчиси» совринини ФИФА президенти Сеп Блаттер қўлидан олди. "Uff.uz" сайтнинг ёзишича, йилнинг энг яхши футболчиси учун аталган кубокни саҳнага ОФКда хизмат қилаётган ўзбекистонлик Аваз Бердиқулловнинг фарзанди Билал Бердиқуллов олиб чиққан.

Сервер Жепаров иштирокида Ўзбекистон миллий терма жамоаси энг яхши кўрсаткичга шу йилги Осиё кубоги ўйинларида эришди. Бу мусобақада Сервер Жепаров сардорлигидаги ўзбекистонликлар дастлабки ўйинда мезбон қатарликлар устидан қутулмаган ва чиройли ғалабага эришиб, ярим финалгача етиб боришган эди.

Сервер Жепаров «2011 йилнинг энг яхши ўйинчиси» танловида шу номга даъвогарлик қилаётган эронлик Ҳоди Оқилий, жанубий корейлик Ку Жа-чеол ва Ёом Ки-хун ҳамда япониялик Кеисукэ Ҳонда ва Чинжи Кагаваларни ортда қолдирди. Бу билан у мазкур шарафли совринни икки бор қўлга киритган

афсонавий япон футболчиси Ҳидетоши Накаатага етиб олди.

Сервер Жепаров шу йилнинг июль ойидан бошлаб Саудия Арабистонининг «Ал-Шабаб» футбол клубида ўйнамоқда. Бунгача у «Сеул» жамоасида тўп сурган.

Осиё футболнинг энг зўрларини тақдирлаш маросимида Равшан Эрматов ҳам кетма-кет тўртинчи бор йилнинг энг яхши ҳаками деб топилган. Эрматовга қанотдан ёрдам бериб келган Абдуҳамидулло Эрматов эса биринчи бор йилнинг энг яхши қанот ҳимоячиси номини қўлга киритди.

Ўзбекистон миллий терма жамоаси бу йил ўз тарихида биринчи бор жаҳон чемпионатида чиқиш учун яхши имкониятга эга бўлиб турибди.

Саралаш ўйинлари доирасида 15 ноябрь куни Тожикистонни 3:0 ҳисобида мағлуб этиши натижасида ҳамда Япония сафарда Шимолий Кореяга мағлуб бўлиши оқибатида Ўзбекистон ўз гуруҳида пешқадамликни қўлга киритиб, мuddатидан илгари саралаш ўйинларининг сўнгги босқичига йўл олган эди.

Гуруҳдаги натижаси аҳамиятсиз бўлган сўнгги ўйин 2012 йилнинг 29 февраль куни Японияга қарши сафарда ўтказилади.

Сурада: Осиёнинг икки карра энг яхши футболчиси Сервер Жепаров



ДҮППИ КИЙМАЙ ҚҮЙДИ ҲАЗИРКИ ҲАЛҚИМИЗ

Дарҳақиқат, дўппи – ўзбек халқининг миллий кийими. Биз ўзбекларни чет элларда юрсак ҳам дўппимиздан таниб олишади. Энг яхши кунларда бир-биримизга дўппи совға қиламиз. Бирор жойга, четга чиқадиган бўлсак, асосий совғамиз кўпинча дўппи бўлади. Ҳар хил маросимларимиз дўпписиз ўтмайди. Бир сўз билан айтганда, дўппи бу ўзбеклигимизнинг нишонасидир.

Хўш, шу кунларда дўппига муносабат



қандай?

Эсимда, илк бор АҚШга келганимда совға тариқасида бир нечта дўппи олиб келган эдим. Нью Йоркдаги савдо дўконларидан бири ўзбек йигитига тегишли экан. Мен танишганимдан хурсанд бўлиб унга дўппи кийгизган эдим. Шунда ҳалиги ўзбек йигит: “Раҳмат, лекин мен дўппини хуш кўрмайман”, деди. Бадинимдан совуқ тер чиқиб кетди. Бошидан дўппини юлқиб олмоқчи бўлдим, лекин

**Бу не ҳолдер тушунмай қолдим,
Дўппи киймай қўйди халойиқ.
Дўппи йўқми бошга лойиқ, ё
Бош қолмади дўппига лойиқ.**

(Муҳаммад Юсуфнинг “Дўппи” шеърдан)

меҳмонлигим эсимга тушиб индамай қўя қолдим.

Яна бир мисол. Мен бир ўзбекни билмаман. У киши узоқ йиллардан бери Америкада яшаса ҳам ҳеч қачон бошидан дўпписи тушган эмас. У киши “дўппим менинг байроғим, мен ўзбеклигимдан фخرланаман,” дейди ва бошқаларга ҳам доимо дўппи кийиб юришни тарғиб қилади.

Бошқа бир мисол. Биз Чикагодаги ўзбеклар турли тадбирлар ва байрамлар муносабати билан вақти-вақти билан йиғилишиб тураемиз. Шу йилги Наврўз байрами йиғилишида кимдир шундай тақлиф киритди. Келинлар, ҳаммамиз Наврўзда (ҳеч бўлмаса ресторан ичида) дўппи кийлик, деб. Афсуски, ўша кун 3-4 та кишидан бошқанинг дўппи кийганини кўрмадим. Сабабини сўраганимда, баъзилар менга дўппи ярашмайди деса, бошқалари дўппи кийиш шарт эмас, дейишди.

Хуллас ўйлаб-ўйлаб ушбу мавзуда “Ватандош” газетаси орқали ватандошларимиз фикрларини билишни лозим топдим.

Азиз газетхонлар! Дўппи кийиш уятми? Ёки баъзилар айтганидек, дўппи кийиб ўзбеклигимизни билдириш шарт эмасми? Сизлар нима дейсизлар?

Олим Шарипов,
Чикаго, АҚШ

ТУҒИЛМАСДАН ТО...

Уйингизга меҳмон келди. Зиёфат қиялсиз. Ҳовлингизнинг бир четида кадоб пишяпти... Аёлингиз секин келиб, қулоғингизга шипшийдди. «Дадаси, кадоб тарқатишдан аввал икки сихини ажратиб қўйинг: кўшнинг келини бошқоронги...» дейди.

Бунинг отини нима дейиш керак? Бунинг оти инсон боласи туғилмасиданоқ меҳрга муҳтож бўлади, бир-бирларингиздан меҳрни аяманг, дегани бўлади.

Арзимаган баҳона билан икки киши ғижиллашиб қолди. Униси ҳам ўзича ҳақ, буниси ҳам. Индамай турсангиз, жанжал катталлашиб кетадиган. Шунда эсли бир одам ўртага тушиб, айтади: «Ҳай-ҳай-ҳай, тобуткашсизлар-а, барака топкурлар, бир гапдан қолинглар», дейди. Ёниб турган олов ўша заҳоти ўчади.

Бунинг отини нима дейиш керак? Бунинг оти инсон ҳаётдан кўз юмганидан кейин ҳам меҳрга муҳтож бўлади, бир-бирларингиздан меҳрни аяманглар, дегани бўлади.

Бунинг оти ўзбек удуми, ўзбек менталитети, дейилади!

ИНОҚЛИК

Телевизорда кино кўрсатди. Ўттиз еттинчи йил қатағони ҳақида. Қора плаш кийганлар бир бечорани икки қўлтиғидан олиб, кўча бошида турган қора машина томонга судраб кетяпти. Эшик олдида унинг аёли эмизикли боласини бағрига босиб, унсиз йиғлаяпти. Беш-олти ёшлардаги болакай «дада, дадажон», деганча отасининг кетидан чопиб боряпти. Кўчанинг у юзида одамлар турибди. Бирининг кўзида кўрқув, бириникида ўқинч, яна бири лоқайд қараб турибди. Бирови эса лабини истеҳзоли буриб, худбинона илжаяди. («Халқ душмани»ни «тегишли жой»га чаққан «сиёсий ҳушёр» кимса...)

Орадан анча ўтиб, телевизорда яна бир кино кўриб қолдим. Тўғрироғи, кино эмас, «Ҳайвонот олами» кўрсатуви. Йўлбарс дарахтнинг пастак шоҳида банан еб ўтирган маймун боласига ташланади қолди. Маймунча жон аччиғида чийиллади. Шунда ғалати ҳолат рўй берди. Паста-балаңд дарахтлардан ўнлаб маймунлар шиддат билан тушиб, йўлбарсга ташланишди. Қудратли йўлбарс уларнинг бир-иккитасини мажақлаб ташлади. Аммо маймунлар бор овозда шовқин кўтариб, мўр-малаҳдек ёпирилди. Бири тишлади, бири юмдалади. Забардаст бир маймун эса йўғон харини олиб, йўлбарснинг бошига чунонам туширдик, йўлбарс думини қисганча қочиб қолди... ..Маймунларга ҳавасим келди...

Ўткир Ҳошимовнинг «Дафтар ҳошиясидаги битиклар» асаридан олинди.

НЬЮ-ЙОРКДА ТУРҒУН АЛИМАТОВ ХОТИРЛАНАДИ

2012 йилнинг 17 ва 18 январь кунлари Нью-Йорк шаҳрида Турғун Алиматов (1922-2008) хотирасига бағишланган концерт дастури ҳамда симпозиум ўтказилади. Хотира мусикий кечаси ва симпозиум АҚШдаги Бухоро яҳудийлари конгресси, Ўзбекистоннинг АҚШдаги Бош консуллиги, Туркистон-Америка Ассоциацияси ҳамда Ўзбек-Америка Санъат жамғармаси томонидан ташкил этилмоқда.

17 январь кунини ўтказиладиган «Мангу шошмақом: Марказий Осиё мумтоз мусиқаси усталари» номли мусикий кечада Алиматовлар сулоласидан Алишер Алиматов (танбур, дутор, сато) ҳамда Валишер Алиматов (танбур) миллий ўзбек чолғу асбоблари ижросида ўз санъатларини намойиш этади. Шунингдек, Аброр Зуфаров (вокалист), Абдураим Ҳамидов (дутор), Авром Толмасов (вокалист, танбур, ғижжак), Эзра Малаков (вокалист), Рашел Рубинов (вокалист, танбур), Роман Толмасов (во-

калист, танбур) каби санъаткорлар 1000 ёшдаги миллий «Шошмақом» услубида мусиқа ижро этадилар.

18 январь кунини ўтказилиши режаланган «2012 йилги Турғун Алиматов Хотира симпозиуми: Шошмақом шажараси – Марказий Осиё мумтоз мусиқасини 21-асрда асраб-авайлаш ва ривожлантириш» номли тадбирда америкалик ҳамда Ўзбекистондан келган санъатшунос олимлар Ўрта Осиё мумтоз мусиқаси, хусусан, «Шошмақом» мусиқа тури ҳақида маъруза ўқийдилар.

«Шошмақом» мусиқа шажараси 2003 йил ЮНЕСКО томонидан қимматли кўхна маданий мерослар қаторига киритилган.

Симпозиум барча учун очиқ ва унда қатнашиш бепул. Концерт дастурига кириш учун чипталар «Carnegie Hall» кассаларида сотилмоқда. Қўшимча маълумотни 212-247-7800 телефон рақами орқали ёки www.carnegiehall.com сайтидан олиш мумкин.

Мухбиримиз

25 НОЯБР - 1 ДЕКАБР 2011 №511 The Bukharian Times tel (718) 261-1595

January 17 2012 7:30PM

The Bukharian Jewish Congress of the USA and Canada, The Consulate General of Uzbekistan in New York

SHASHMAQAM FOREVER

The Masters of Central Asian Classical Music – A Memorial Concert for Turgun Alimatov

Alisher Alimatov, Valisher Alimatov

Avrom Tolmasov

Roshel Rubinov

... and Shumiel Tolmasov, Abror Zufarov, Ilyusha Khavasov, Osher Barayev

Ezra Malakov

Abduraim Khamidov, Roman Tolmasov

ABOUT TURGUN ALIMATOV (1922-2008): Turgun Alimatov was one of the leading performers and composers of Uzbek traditional music, an instrumentalist whose music transcended religious, linguistic and ethnic divides as well as political borders.

Weill Recital Hall at Carnegie Hall, 154 West 57th Street, New York Admission/tickets: \$30 - \$70. For tickets, contact Carnegie Hall Box Office, CarnegieCharge 212-247-7800 or online at www.carnegiehall.com

кишилар ва туркистонлик ўзбеклар қатнашадилар.

Мунир Эртегун фарзандлари ва «Атлантик Рекордс» компаниясининг ташкил топиши

Муҳаммад Мунир Эртегуннинг Несуҳи ва Аҳмад исмли



Ака-ука Аҳмад ва Несуҳи Эртегунлар, 40-йиллар

икки ўғли бўлиб, улар нафақат Америкада, балки бутун дунёда машҳур эдилар. Ота-онанинг яхши тарбиясини олган ва АҚШдаги барча имкониятлардан оқилона фойдаланган Несуҳи ва Аҳмад овоз ёзиш ва пластинка чиқариш борасида йирик «Атлантик Рекордс» муסיқа индустриясини барпо қиладилар ва ўша пайтларда Американинг энг бой миллиардер кишиларига айланадилар.

Пластинка индустриясидан ташқари, улар муסיқа, санъат, спорт соҳаларида ҳам катта ютуқларга эришадилар. Шу билан бирга, продюсерлик ва бошқа муסיқа бизнеси соҳалардаги тадбиркорликлари натижасида жаз, блюз, эстрада ва муסיқанинг бошқа йўналишлари бўйича бир қатор хонанда ва муסיқачиларнинг жаҳонга машҳур бўлишларига ҳисса қўшадилар. Улар орасида Луис Армстронг, Рей Чарлз, Эрик Клептон, Элвис Пресли, Мадонна, Принс, У2 ва бошқаларни санаш мумкин. Ака-укалар АҚШда спортнинг футбол турини ривожлантиришга катта ҳисса қўшиб, ўз даврида жаҳонни забт этган футболчилар Пеле, Бекенбауер ва Круифт тўп сурган Американинг машҳур «Космос» футбол жамоасига асос соладилар. Ушбу ака-ука миллиардерлар ҳаёти ҳақида икки оғиз сўз.

Несуҳи Эртегун 1917 йили Туркиянинг Истанбул шаҳрида таваллуд топган. У даврда Европа хариталарида бу шаҳар Константинополь деб юритиларди. 1934 йили отаси Мунир Эртегун Туркиянинг АҚШдаги Буюк элчиси этиб тайинланади. Бу вақтда Несуҳи Парижда яшаб, машҳур Сорбонна университетида таҳсил олаётган эди. 1939 йили оиласи билан Вашингтонга, отасининг ёнига кўчиб келади. Несуҳи ёшлигидан жуда тиришқоқ ва билимга чанқоқ эди. У 1944 йили Вашингтон университетида магистр даражасини олгач, Лос-Анжелесга кўчиб ўтади. У ерда машҳур Нью-Орлеан фахрий жазмени Кид Оранинг менежери бўлиб ишлайди. Шу билан бирга жаз муסיқаси йўналишига ихтисослашган «Крессент Рекордс» грампластинка фирмасини ташкил қилади. 1946 йилдан 1951 йилга қадар у жазмен сифатида бошқа лейблга раҳбарлик қилади ва «Рекорд Чангер» журналида Нью-Орлеан жази тўғрисида қатор қизиқарли мақолалар чоп этади. 1960 йилдан мазкур журналнинг бош муҳаррири лавозимида фаолият юргизади.

Несуҳининг укаси Аҳмад Эртегун 1923 йили Истанбул шаҳрида туғилган. Отаси АҚШга Буюк элчи этиб тайинланиши муносабати билан оиласи билан бирга 1934 йили Вашингтон шаҳрига келади. Аҳмад ёшлигидан муסיқа соҳасига қизиқар, муסיқа асбоблари чалишни, куй басталашни ёқтирар эди. У, асосан, муסיқанинг жаз, рок,

блюз йўналишларига қизиқади ва ўзи ҳам шу йўналишда бир неча муסיқий асар басталайди. Аҳмаднинг муסיқага бўлган қизиқишини ота-онаси қўллаб-қувватлаб, у 14 ёшга тўлганида унга овоз ёзувчи бир ускуна совға қиладилар. Аҳмад Сутие Виллиамсининг услубида, инструментал «Вест Энд Блуес»га мослаб ёзган илк асарини ижро этиб, овозини овоз ёзиш ускунасига кўчириб эшитди. Бу Аҳмаднинг катта ҳаётга қўйган илк қадами эди. 1944 йили у Аннаполис (МД)даги Ст. Жонс коллежини битиради ва кейинчалик машҳур Жоржтаун университетининг фалсафа факултетида ўқийди. Вашингтон шаҳрида ака-ука Эртегунлар Ҳовард театрига тез-тез бориб, у ерда қоратанлилар орасидан бўлажак жаз юлдузларини кидиришар, катта клубларда жаз, рок-н-ролл муסיқа кечаларини ташкил қилардилар.

1947 йили 24 яшар Аҳмад дўсти Херб Абрамсон (собиқ тиш доктори) билан бирга, Нью-Йоркда жаз муסיқаси, блюз кабаре муסיқа йўналишлари бўйича «Атлантик Рекордс» компаниясига асос солади. Несуҳи эса 1951 йилдан 1954 йилга қадар Лос Анжелесда жойлашган Калифорния университети тарихида биринчи бор «Жаз тарихи ва унинг ҳуқуқий асослари» курси бўйича академик лекциялар ўқийди. Кейинчалик у замонавий «Гуд Тайм Жаз энд Контемпарри» замонавий жаз лейбллари билан шуғуллана бошлайди.

1955 йили Несуҳи укаси ёнига Нью-Йоркка кўчиб ўтиб, Аҳмад ва унинг дўсти тузган фирмага таъсисчи бўлиб кўшилади. «Атлантик рекордс»нинг артистлар ва репертуар масалалари бўйича директори лавозимини қабул қилади. Айнан Несуҳининг саъй-ҳаракати эвазига Атлантикда Модерн Жазз Куартет, Джон Колтрейн, Чарлз Мингус, Эдди Харрис, Орнетт Коулмен, Херби Манн, Хенк Кроуфорд ва бошқа йирик муסיқачиларнинг пластинкалари чиқади, бу ўз навбатида компаниянинг молиявий аҳволига ижобий таъсир кўрсатади. Несуҳи бу иш билан умрининг охиригача шуғулланади. «Атлантик»нинг савдо бобида 40–50-йиллардаги муваффақиятлари, асосан, блюз ва қоратанлилар жаз муסיқаларининг оммабоплиги билан боғлиқ бўлган. Бу масалада компания катта зафарларга эришади. Унинг таркибида Джо Тернер, Рей Чарлз, Клайд Макфаттер, Бен И, Кинг, Бобб Дарин, Чак Уиллис, Айвори Джо Хантер, Лаверн Бейкер ва Рут Браун каби машҳур хонандалар, «Кловерс», «Костерс», «Дрифтер», «Кардиналс» каби вокал ансамбллари бор эди.

«Атлантик Рекордс» ўтган асрнинг иккинчи ярмида дунё муסיқа оламида турли муסיқа жанрларининг ривожланишига катта ҳисса қўшган, муסיқа ёзиб олишнинг янги усулларини қўллаган, муסיқа бизнесида катта муваффақиятларни қўлга киритган йирик компаниялардан ҳисобланган. «Атлантик Рекордс» бировлар учун «Май Фейврит Сингс» давридаги Джон Солтрейннинг саксофони бўлган, бошқалар учун эса Эрик Клептоннинг гитараси, яна бошқаларга Рей Чарлз, Арит Френклин ёки Бобби

Дариннинг ширали овози эди. Буларнинг барчасини бирлаштирсангиз, Аҳмад ва Несуҳи Эртегун, продюсерлар Жерри Векслер, Херб Абрамсон, Ариф Мардин, овоз муҳандиси Том Дауд сингари бир гуруҳ фидойиларининг «ака-укалар» деб аталувчи компанияси кўз олдингизда гавдаланади.

60-йилларда Фред Гудман раҳбарлигида «Роллинг



Несуҳи Эртегун, муסיқачиси Сигги Лоч ва Пеле, 1982 йил

«Роллинг Стонес» рок группаси кашф қилиниб, ака-укалар ёрдамида унинг довуғи бутун дунёга ёйилади. 1968 йили Аҳмад Эртегун ўзи учун янги соҳа – рок муסיқаси билан яқиндан танишади. У «Лед Зеппелин», «Роллинг Стонес», «Креам», «Генесис» ва бошқа гуруҳларнинг жаҳон эстрада майдонида танилишига ва машҳур бўлишига катта ҳисса қўшади ва «Рок анд Ролл Холл оф Фейм»ни ташкил қилади. 1987 йили мазкур шарафли Холдан ўрин эгаллайди. Ака-укалар компанияси «Варнер» компанияси билан ҳам узвий алоқа ўрнатган эди. Улар умумий қиймати бир миллиард долларлик муסיқа грампластинкаларини сотадилар.

Аҳмад 1961 йили румин миллатига мансуб Мария Иоана Бану исмли аёлга уйланади. 1968 йили «Лед Зеппелин» ва 1971 йили «Роллинг Стонес» гуруҳлари билан битим имзолаб, улар билан 15 йил мустақам алоқа ўрнатади ва янги албомларини чиқаради.

(Давоми келгуси сонда)

KASHKAR cafe
 1141 Brighton Beach Ave, (between Brighton 14th st. and Brighton 15th st.) Brooklyn NY 11235 USA.
 Phone: 1 718-743-3832
 www.kashkarcafe.com Email: info@kashkarcafe.com

SHASHLIK MASHLIK RESTAURANT
BAKU AND CAUCASIAN FOOD
 ADDRESS: 904 KINGS HIGHWAY, BROOKLYN, NY
 PHONE: 917-155-6960

МАТБУОТДА НИМА ГАП?

Ушбу сондан бошлаб “Ватандош” газетасида Ўзбекистон матбуотидан парчалар бериб боришни мақсад қилдик. Бир саҳифада Ўзбекистон матбуотининг барча нашрларини ёки матбуотда ёритилаётган барча мавзуларни қамраб олишнинг иложи йўқ. Шундай бўлса-да, ушбу хабарлар хориждаги ватандошларимизга Ўзбекистон матбуоти ёритаётгани ҳақида тушунча берса ажаб эмас.

Иқтибосларга шарҳ беришдан тийилишни маъқул топдик. Ёритилаётган кўплаб мавзу ва хабарларда бир хиллик, такрор ва эскича услуб ҳамда ёндошув кўзга ташланиши ва бу табиийки, ўқувчи учун зерикарли бўлиши мумкин. Мақсадимиз ўқувчи учун Ўзбекистон матбуотидан қизиқарли мақола ва ноёб ҳодисаларни топиб бериш эмас, балки бугунги кун ўзбек матбуотининг умумий ҳолати ҳақида тушунча беришдир.

Мавзу ва саҳифа бўйича фикр-мулоҳазаларингизни info@vatandosh.com электрон почта манзилимиз орқали кутиб қоламиз.

Таҳририят

ОБАМА ТИМСОҲ ҲУЖУМИГА ҚАРШИ СУҒУРТАЛАНДИ

Австралиядagi суғурта ширкатларидан бири АҚШ президенти Барак Обамани тимсоҳлар ҳамласига қарши суғурталлади...

“Hindustan Times” газетаси хабарига кўра, “ТЮ” ширкати икки кунлик зиёрат билан Австралиянинг пойтахти Канберра ҳамда мамлакат шимолидаги Дарвин шаҳрига ташриф буюрган Обамани 50 минг Австралия долла-

рига “Тимсоҳ ҳужумига қарши суғурта” қилди. Шунинг ҳам айтиш ўринлики, ушбу суғурта 20 йил ўз кучида қолади. Австралиядagi йилига ўртача ҳисобда 2 киши узунлиги 7 метр, вазни бир тонна келадиган тимсоҳлар ҳамласи натижасида ҳалок бўлади.

“Даракчи” газетаси,
23 ноябрь, 2011 йил

МИНГЙИЛЛИК РИВОЖЛАНИШ МАҚСАДЛАРИГА ЭРИШИШ: ЎЗБЕКИСТОН ТАЖРИБАСИ

“Тошкентда “БМТ Мингйиллик ривожланиш мақсадларига оид вазифаларни амалга оширишда фуқаролик жамияти институтларининг иштироки: Ўзбекистон тажрибаси” мавзусида амалий семинар бўлиб ўтди. Унда Германия, Словения, Украина, Жанубий Корея, ЕХХТ, БМТ агентликлари ва бошқа халқаро ташкилотларнинг етакчи экспертлари, Ўзбекистон Республикаси Олий Мажлиси Сенати аъзолари ва Қонунчилик палатаси депутатлари, давлат ва жамоат тузилмалари вакиллари, олимлар иштирок этди.

Амалий мулоқот руҳида ўтган халқаро семинар қатнашчилари Мингйиллик ривожланиш мақсадларига эришишга доир вазифаларни бажаришда Ўзбекистон катта ижобий тажрибага эга экани таъкидлади. Мамлакатимиз жаҳон ҳамжамиятига аъзо кўплаб бошқа ривожланаётган давлатлар учун модель бўлиб хизмат қилиши мумкин, деган хулосага келди.

Анна Иванова,
“Халқ сўзи” газетаси,
22 ноябрь, 2011 йил

ХАЛҚАРО СТАНДАРТЛАРГА МОС БИОМЕТРИК ПАСПОРТ

“Мамлакатимизда халқаро намунадаги биометрик паспортни — унинг эгасининг фуқаролиги ва шахсини тасдиқловчи асосий ҳужжатни расмийлаштириш ҳамда бериш бошланди... Мамлакатимиз 2015 йилнинг охиригача биометрик паспортлаштириш тизимига тўлиқ ўтади.

Ўзбекистон Республикаси Вазирлар Маҳкамаси ҳузуридаги Давлат персоналлаштириш маркази директори Абдусаттор Маткаримов:

— Ўзбекистон биометрик паспорт — электрон ҳаракатланиш ҳужжати жорий этмоқда. Бу ҳужжатнинг ҳар бири унинг эгаси ҳақида шахсий биометрик параметрлар — рақамли фотосурати ҳамда бармоқлари излари туширилган биографик маълумотларни ўз ичига олган махсус электрон чип билан таъминланган.

“Туркистон” газетаси,
19 ноябрь, 2011 йил

ФОЖИАЛИ ОҚИБАТЛАРГА ОЛИБ КЕЛАДИГАН АВАНТЮРА

Энг катта муаммо бу Роғун ГЕСининг жаҳон тажрибасида учрамайдиган энг баланд тўғони ҳисобланади. Тасдиқланган лойиҳада эса тўғон мустақамлиги даражаси ҳозирги замон талабларига мутлақо жавоб бермайди. Буни қурилаётган тўғоннинг асосий таянч устунларидан бирида пайдо бўлган ёриқ ҳам кўрсатиб турибди. Бу ёриқ 2011 йилнинг 19 июль кечасидан 20 июлга ўтар кунни рўй берган зилзила оқибатидир.

Экспертлар ГЕС қурилаётган ҳудуддан кўпроқ хавотирланишмоқда. Бу ҳудудда иккита ер ёриқлари бор. Булар Иляк-Вахш ва Ҳисор-Қўқшоол ёриқларидир. Бу ерда Рихтер шкаласи бўйича 8-9 балл магнитудада зилзилалар тез-тез бўлиб туради. Маълумки, бу ҳудудда охириги 110 йил давомида 7-8 балл бўлган 20 дан ортиқ зилзилалар рўй бергани қайд этилган. Тожикистонлик етакчи сейсмологларнинг сейсмик жараёнларни таҳлил этиш асосида тахмин этишича, Роғун ГЕСи қурилиши кейинги 10 йилликнинг ўзидаёқ мазкур ҳудудда янги зилзилаларни келтириб чиқариши мумкин.

Жаҳон банки мутахассислари жорий йилнинг март ойида биринчи баҳолаш ишларини ўтказгандан кейин қатъий равишда Тожикистонга «Роғун ГЕСининг 120 метр баландликдаги тўғонининг биринчи навбати қурилишини бошламасликни» бежиз тавсия этмади. Яқинда Марказий Осиё мамлакатларига ташриф буюрган АҚШ Давлат котиби Ҳиллари Клинтон эса Душанбени мустақил экспертлар фикрига қулоқ солиш ва электр қуввати ишлаб чиқишнинг муқобил манбаларини топишга даъват этди. Тожикистон ҳукумати бу даъватларни эшитади ва Марказий Осиё даҳшатли фожиадан қутулиб қолади, деб ишонгинг келади.

Шаҳриёр ТУРҒУНБОЕВ
“Ўзбекистон овози” газетаси,
17 ноябрь, 2011 йил



ҚОҒОЗБОЗЛИКМИ, ЭЪТИБОРСИЗЛИК?

Икки йил аввал набираларимдан бири коллежни битириш арафасида паспортини йўқотиб қўйди. Коллеж мутасаддилари паспорти бўлмаса диплом беришмас экан. Набирани етаклаб туман Юнусобод тумани ИИБнинг паспорт бўлимига бордим. Идора ходимига манзиллар бюросининг маълумотномаси, туғилганлик гувоҳномаси, уй дафтари, маҳалладан маълумотнома, фотосурат топширдик. Ходим тагин қўшимча қилди: «ЗАГС архивидан ва РОВДдан справка келтиринг.»

Бир ҳафта ИИБга, беш кун ФХДЭ архиви қатнаб, маълумотномаларни қўлга киритдим. Уларни сўралган жойга обораётиб, тагин ўйланиб қолдим: Ҳозир компьютер замони бўлса, паспорт идорасидагилар ҳар бир фуқаронинг паспорт маълумотларини марказлаштирилган электрон архивга жойласа, шунингдек, ўзининг юқори идорасидан, ФХДЭ архивидан, солиқ идораси ва бошқа ҳуқуқни муҳофаза қилувчи ташкилотларнинг электрон базасидан зарур маълумотларни олиш имкониятига эга бўлса. Ана шунда минглаб инсонларнинг ҳожати чиқарилар, вақт ва маблағ тежалган, асаблар қақшамаган бўларди». Ким билсин, балки мутасаддилар бу ҳақда бош қотиришаётгандир.

Собир ҲОТАМОВ
Тошкент шаҳри, Юнусобод тумани
“Хуррият” газетаси, 10 ноябрь, 2011

Саҳифани Заҳрирдин БОБУР тайёрлади.

ҚОНУН ҲИМОЯЧИСИ ЛЕЙТЕНАНТ ТЎХТАСИН ёхуд эски Тошкент кўчаларидан ҳангома

Ҳозирги йўл нозирлари фақат қонунни ҳимоя қилишади. Қонунни буздингми, тамом — жазоланасан. Тўхтатганида, чўнтагига беш сўм қистирсанг, ҳайдовчилик гувоҳноманг чангини қоқиб бериб, «чест» билан оқ йўл тилайдиган нозирлар эски замонларда қолиб кетган...

«Катта»нинг ка-атта уйи олдидаги «катта-катталар»нинг хизмат машиналари ўтадиган катта кўча. Ана, бизнинг, йўғе, замонамизнинг қахрамони, йўл нозири лейтенант Тўхтасин. Хизматда. Бугун у мана шу катта кўчада навбатчи. «Катта-катталар»нинг машиналари светофорнинг қизил чироғида сарғайиб қолмасликлари учун, рациядан кўрсатма келган вақтда, чорраҳа ўртасига чиқиб, кўлидаги қизил таёқчасини тинмасдан айлантриб туради. «Катта-катталар»нинг машинаси унинг ёнидан ўтаётганида «чест» беради.

«Катталар»нинг машинасидан бўш вақтида асосий иши — кичкина-кичина одамларнинг машиналарини тўхтатиш билан банд. Автобусдаги кондукторлар талабанинг олдидан беш марта ўтиб, олти марта йўл чиптасини сўраганида норозилик билдирганимиз қанчалик бефойда бўлса, Тўхтасинларнинг йўқ жойдан сизнинг машинангизни тўхтатганида ҳам бирон нима дейишга ҳақингиз йўқ — у ҳақ, унда шундай ҳуқуқ бор. У ўзи хоҳлаган машинани тўхтатиб, ҳайдовчининг ҳужжатларини текшириб кўриши мумкин. Хизматчилик.

Ана, Тўхтасиннинг кўли кўлига тегмаяпти. Ҳозиргина бир пачоқроқ машина эгасининг ҳайдовчилик гувоҳномасини текшириб бўлиб, ортига ўгирилди ва светофорнинг яшил чироғига ўтиб келаётган, ўзимизнинг Асакадан «етиштирилган» «тойчоқ»ни тўхтатди. Ҳайдовчи ёш, ёш бўлса-да, шу чорраҳада ҳар доим йўл нозирлари ҳозир бўлишини билади, шунинг учун ҳам шу чорраҳага ярим-бир километр қолганида хавфсизлик камарини тақиб олган (шу ердан ўтиб олса — ҳақиқий катта кўча, ечиб ташлайди). Хуллас, ёш ҳайдовчи хотиржам.

Йўл нозири ҳайдовчининг ҳужжатлари орасидан қайсидир ҳужжатни тушириб юбордимми?! Ҳайдовчининг: «Нимадир тушиб кетдимми?», деган саволига, Тўхтасин: «Йўғе, тушиб кетган бўлса, машинадан чиқиб, олволинг», деб жавоб берди. Суғурта ҳужжати

экан. Тўхтасин кўп ҳам чўзиб ўтирмади. «Укажон, машинани жарима майдончасига қўямиз!». Тўхтасиннинг «укажони» ҳайрон: «Ия, нега энди?». «Суғуртанинг вақти ўтиб кетибди!», — замонамиз қахрамони шундай деб жавоб бераркан, машина ойнасига қоғоз-қалам қўйиб, протокол ёзишга киришиб кетди. Бунча чаққон?

Ёш ҳайдовчи вазият қалтислигини тушунди. «Укажонимиз», кўринишидан, ялинадиганлар тоифасига кирмайди, лекин ҳозирги ҳолатда истисно қилса арзийди. «Акажон, бирор йўли бордир? Акажон, келинг, шуни ёзманг, ёзмай кўя қолинг!», дея ёш ҳайдовчи йўл нозирининг кўлига ёпишди. Тўхтасин Ҳолливуд филмларини кўп ҳам иштиёқ билан кўрганга ўхшайди: «Укажон, кўлингизни кўлимдан олинг. Дарҳол! Қуролим бор!». Давомига қўшиб қўймади-да: «Гапирмасликка ҳақингиз бор, гапирган ҳар сўзингиз судда ўзингизга қарши ишлатилади». Ҳай...

Ёш ҳайдовчи энди кўлини нозирга теккизмасдан илтимос қила бошлаганди ҳамки, тўсатдан, рация орқали кўрсатма келиб қолди. Чорраҳа ўртасига қараб югуриб кетди Тўхтасин: қайсидир «катта» ишига шошиляпти экан, ўтказвориш керак. Тўхтасин жонли светофор бўлиб қайтгунича, ёш ҳайдовчи суғурта ҳужжатларини бир кўриб чиқди: суғурта муддати кечагина тугаган экан — соат ҳали 12 ҳам бўлгани йўқ.

«Тойчоқ» эгаси: «Акажон, кўйиб юборсангиз бўларди. Атиги бир кун ўтиб кетибди. Ҳали бир кун ўтгани ҳам йўқ. Қўйиб

юборсангиз, бир кунда ҳал бўладиган иш бўлса, шу бугунги ўзида тўғрилаб ўяман, акажон», деди.

Тўхтасин, «укажони» худди тушуиб тургандек қиёфа илиб, ёзишда давом этаркан, тушунтирди: «Укажон, Вазирлар Маҳкамасининг қарори бор, суғурта муддати бир соат ўтган бўлса ҳам жарима майдончасига қўйилиши керак. Ука, бунини мен ўйлаб топмаганман, тушундингми?».

«Акажон, узр, билмасдан қонунни бузиб қўйибман, бир марта кечира қолинг! Қандайдир чораси бўлса айтинг, биздан қолиб кетмас?!». Тўхтасин тушунтирди: «Укажон, қонунни эмас, қонидани буздинг!». Тўхтасин йўл ҳаракати қоидаларидан дарс ўтиб берди: «Биринчи қоида: ҳайдовчи йўлга чиқиш олдидан ҳужжатлари жойида эканлигини текшириб олиши керак». Ҳа, ҳамма амал қиладиган қоидага, қаранг-да, шу бугун бизнинг ёш қахрамонимиз бўйсунмапти-да...

Тўхтасин ёзишдан тўхтайдимасди, протоколни деярли тўлдириб бўлди. Ёш ҳайдовчи ишни ўзи битира олмаслигини тушунгач, илтимос қилишни ҳам, ялинишни ҳам тўхтатди. «Ака, мен сизни тушунадиган одам, деб гапирганим. Бирор йўли бўлса, тушунтирсангиз, кўйиб юборсангиз бўларди... Мана, ҳозир машинани эгасини чақираман. Ўша киши билан гаплашасиз!». Тўхтасин: «Менга деса ундан каттасини чақир!», деб қўшиб қўйди.

Тўхтасин ва ёш ҳайдовчи «тойчоқ»нинг эгасини кута бошладди. Тўхтасин яна бир-икки марта чорраҳа ўртасига, хизматга бориб келди.

Замонамиз қахрамони, орада бир, русийзабон ёш аёл ҳайдаб келаётган «Матиз»га «Тўхтасин!», деган буйруқни берди. Қурбақабашара машина светофорнинг яшил чироғида ўтгани билан, эгаси хавфсизлик камарини тақмаган экан.

Тўхтасин ҳам куларканми, а? Қизиқ нарсалар ҳақида гаплашишяпти шекилли, аёл ҳам куляпти.

Ана, камарини тақиб олди. Тўхтасин аёл билан кулиб ҳайрлашиб, оқ йўл тиладимми? Қойил!

Хавфсизлик камарини тақмаганлар жойида фалонча жарима тўлайди деб эшитгандик. Ёки Озод Шарқ аёлларига нисбатан бу қоида истисно қилинганмикин? «Тил — суяксиз!», деган мақол бўлгунчи эди? «Хуррам Султонлар» олдида тилга кўшилиб, тананинг бошқа аъзоларида ҳам суяк йўқ бўлиб қолади-ёв...

Ана, ана, келишди. Машинанинг катта эгаси, катта эганинг ёш ёрдамчиси Тўхтасин билан кўришишди. Ёрдамчи кўришувни анча куюқ қилди. Ҳол-аҳвол сўради, уйдагилар ҳам эздан чиққани йўқ. «Протоколни ёзиб қўйдизми?», деб сўради ёрдамчи. «Ҳа, машинани «штрафной»га оборамиз энди», деди Тўхтасин. «Бошқа бирор чораси йўқмикин?!», деди кўринишидан сўзга чечан, иши пишиқ ёрдамчи. «Бўлса олиб ўтирармидим», дегандек қилди Тўхтасин.

Ёрдамчи Тўхтасиннинг гапига ишонмади, шекилли, кўл телефонида «чорасини биладиган акахонлар»дан бирига кўнғироқ қилди-ёв. «Шу, протоколни ёзиб қўйишибди-да. Ўзларига берайми?». Тўхтасин телефонни олди: «Протокол ёзилган. Ҳа. Хўп бўлади!». «Бўлдими?!», деди ёрдамчи. Тўхтасин бошини тасдиқ маъносини да қимирлатиб қўйди: протоколнинг бўш қолган жойлари боракан. Кейин ёш ҳайдовчининг йўл гувоҳномасини олиб қўйиб, унга буюрди: «Йўл белгисига амал қилмаганим учун, деб ёзда кўл қўй!». Иш битди! Қайсидир кунни қанчадир жаримани тўлаб, гувоҳномани қайтариб олиш мумкин. Машина эса йўлда давом этади.

«Тойчоқ»нинг катта эгаси ёш ҳайдовчини койиётган вақтда, иши пишиқ ёрдамчи билан Тўхтасин худди эски кадрдонлардек гаплашаётганди. Ёрдамчи: «Есингиздами, бир Бешёғочда ҳам кўришгандик?». Тўхтасин: «Ҳа, ҳа. Эсладим. Билганимда-ку...».

Тўхтасин билмай қолибди-да, шунга шунча ваҳимами энди?

Ҳа-я, машинангизни суғуртасини янгилаб қўйинг. Эртага йўлингиздан Тўхтасин ёки унинг дўстлари чиқиб қолса, «чора билгунчи акахонлар»ни овора қилиб юрманг, деймиз-да.

Мухрим АЪЗАМХЎЖАЕВ

ЧИЗИҚЛИ СИКЛОСКАНВОРД

...Манш бўғози	Абитуриентга қўлланма; журнал	Русча "ҳа"	Унинг ичида мағиз бўлади	Вақт	СТВ телекомпанияси газетаси	Пойтахти
Икромов тумани	ЎзТВ I инфор- мацион дастури	Исм; от	Сон; тираж миқдор	Жанубий Америкада яшовчи улкан илон	Саратон касаллиги	Бағдод
Пойдевор тоши	Сариқ	Россия пойтахти	Халқ	...га Хиёнат	Хат кўчирувчи	Турк кўшиқчиси
Кучук номи	Фаришта	Абу Бакр ...	Гўзал	Амал	Зеб-...	Савдо- сотиқ
Хивалик шоир ... Утар	Ўқувчи столи	Ўрик нави	Аскар	Ноёб	Азоб	Инглиз шоири
Мос, мувофиқ	Футболчи Франческо ...	Ортиб қолган	Кўрик- ...	Атроф- муҳит	Худди- ...и	"Са- молёт"
Тарих, ўтмиш	Сувоқчилик асбоби	Минг- боши	Фил суяги	... асар	Тўлов шакли	Юлдуз
Беш фарздан бири	Эътиқод виждон	"...ва Ширин"	Қанд тури	Ироқ	Шижоат	Булоқ
1000 килограмм	Подшоҳ, амир	Оралиқ	...Уйгур	Поэма	Хоин	Рўзгор буюми
Пайғамбар, элчи, набий	Вақтинча фойдаланиш	Ашаддий ишқибоз	Антиқа, ғаройиб	"Шоҳнома" қаҳрамони		
Охир, хулоса; самара	Кулгили ҳикоя	"Герб" сўзининг қадимий шакли	Венгрия автобуси			

Интернетда турли овқат ва пишиқлар тайёрлашни ўргатадиган сайтлар кўп. Ўзбек тилида ҳам уланринг сони ва тури кўпайиб қолди. Ана шундай фойдали сайтлардан бири бу www.pazanda.uz.

Сайт содда, лекин чиройли дизайнга эга. Бу ерда салатлар, таомлар, пишиқлар, десертлар ҳамда сут ва нон маҳсулотларининг ранг-бараг турларини тайёрлаш ўргатилади. Ҳар бир тайёрланадиган таом ёки пишиқ суратлар билан

WWW.PAZANDA.UZ

Фойдали сайт

босқичма-босқич ва раvon ўзбек тилида тушунтирилади. Расмлар сифатли ва профессионал даражада олинган.

Сайт ўзининг доимий ва кўп сонли ўқувчиларига эга. Қўйилган ҳар бир мақолага ўнлаб муносабатлар ёзилади. Таом тайёрлаш жараёни бўйича туғилган саволларга сайт мутасаддилари ўз вақтида жавоб бериб боради.

қуришади ва турфа нафис таомлар тайёрлашнинг сир-саноатлари ҳақида ўзаро суҳбат қуришади.

Ўзбекона ва хорижий ранг-баранг таомлар тайёрлашни хоҳловчи ва бу борада яхши рецептлар қидираётган газетхонларимизга ушбу сайтни тавсия этамиз.

Сайт форуми ҳам фаол. Унда фойдаланувчилар ўзлари тайёрлаган таомлар рецептини бошқалар билан баҳам

"Ватандош" газетаси бепул реклама ва эълонлар қабул қилади.

Мурожаат учун телефон: 646-397-0325

E-mail: info@vatandosh.com

ActavaTVдан янги антиқа телевизион қўшимча

Сизга 180 дан ортиқ Россия ҳамда Украина телеканалларини томоша қилиш имконини беради

Фақат сиз учун Uzbek TV New York 24/7



\$99.95

Севимли фильм ва сериаллар
Болалар учун кўрсатувлар
Янгиликлар
Музыка ва фильмларнинг катта тўплами
Спорт кўрсатувлари
Кўнги олар кўрсатувлар
Караоке учун янги қўшиқлар коллекцияси
Ўзбекча фильм ва концертлар

www.UzbekNY.TV

ЯНГИЛИК АҚШ БЎЙЛАБ UZBEK TV NEW YORK КАНАЛИНИНГ ЭНГ САРА КЎРСАТУВЛАРИ ЎЗБЕК ВА РУС ТИЛЛАРИДА УЗЛУКСИЗ 24 СОАТ СИЗ УЧУН!

www.Actava.tv

Харид қил, Улан, Ором ол!

UZBEK TV NEW YORK ЎЗИНГИ ЎЗ УЙИНГАДИДЕК ҲИС КИЛ!

Uzbek TV New York

АҚШ телеканали Ўзбек ва Рус тилларида
БУНИНГ УЧУН СИЗ:

Обунанинг
ойлик нархи
\$29.95

- 1 Юқори тезликдаги интернетга эга бўлишингиз
- 2 Actava TV телевизион қўшимчасини сотиб олишингиз
- 3 Телевизион қўшимчани интернет ва телевизорга улашингиз
- 4 Ойлик обунани қўлга киритишингиз лозим

Кўнги оқ **1-888-296-9288**

қилинг

Actava TV

MSC-104983

**Приглашаем
водителей с CDL и
без для перевозки
автомобилей по
штатам.**

Цена договорная.

**Звоните по телефону: 410-900-8987 или присылайте
свое резюме по адресу
tlatransportation@yahoo.com**

Cinema Max

Professional Video & Photo



Digital and High Definition Video • Weddings

Phone: 917-362-5421

Email: cinemamax.uz@gmail.com

- Birthdays
- Love Stories
- Music Videos

WITH THIS COUPON ONLY!

Purchase of \$30 or more get 15% OFF

Purchase of \$18 or more get 10% OFF

Only delivery or pick up

NEW!



#1 Istanbul
Kebab House
Fresh And Healty Food
We Serve Halal Food

712 9th Avenue (btw 48-49 St.)

New York, NY 10019

Tel/fax: (212) 582-6262

Tel: (212) 582-8282

AIRPORT SERVICES IN NEW YORK

NEW YORK AGENT OF 'LEO AVIA EXPRESS'



Тошкентга Авиачипталар!



Аэропортда кутиб олиб, NYC аэропортидан 300 мил масофагача бўлган бошқа штатларга олиб бориб қўйиш, ёки олиб келиш.

Airline Tickets to Tashkent!



Meet You/Your guests at JFK, LGA and Newark airports and give ride to/from other states up to 300 miles from NYC Airports.

Asqar • Leo Avia Express • flytotas@gmail.com

T: 718-354-5000 • 718-570-7007

IRS e-file

**Ҳурматли
ватандошлар!**

Сизга маълумки, АҚШда солиқлар масаласи жуда ҳам муҳим ва ҳар бир фуқаро даромад солиғини ўз вақтида қонунларга мувофиқ равишда тўлаши шарт.

Ватандошларимизга солиқларни тайёрлашда ёрдам бериш мақсадида Вашингтонда АҚШ қонунларига кўра даромад солиғи бўйича ўзбекистонлик мутахассислар (IRS) ишни бошлади.

Сизни қизиқтирган барча саволларга қуйидаги рақамлар орқали мурожаат қилишингиз мумкин.

Зокир Алиев.

MBA.EA - 703 459 82 34

E-mail: zakiraliyev@yahoo.com


АҚШ Солиқлар Бош Бошқармасининг имтиёзли лицензиясига эга солиқ мутахассиси.

Фазилат Мамурова

MPA -703 786 72 01

E-mail: fazilat84@yahoo.com

Молиявий хизматлар



АДВОКАТ ВЛАДИСЛАВ СИРОТА

Член Американской Коллегии
Иммиграционных Адвокатов

- ПОЛИТУБЕЖИЩЕ
(тщательная профессиональная подготовка)
- ДЕПОРТАЦИОННЫЕ СЛУШАНИЯ
- ПОМОЩЬ АРЕСТ. НА ГРАНИЦЕ И В АЭРОПОРТАХ США
- СОПРОВОЖДЕНИЕ НА ИНТЕРВЬЮ
- ПРЕДСТАВИТЕЛЬСТВО В АМЕРИКАНСКИХ
КОНСУЛЬСТВАХ ЗА ГРАНИЦЕЙ
- ЗАПОЛНЕНИЕ НА ГРИН-КАРТ И ГРАЖДАНСТВО
- РАЗВОДЫ
- ДЕЛОВЫЕ КОНТРАКТЫ
- ВИЗЫ В-2/Н1В/Ф-1/К-1


(718) 265-59-00

128 Brighton 11th Street, 2nd Fl. Brooklyn, NY 11235

★ ★ ★ ★ ★

PRIVATE SCHOOL
CONCORD RUSAM INC.
LICENSED BY THE NEW YORK STATE EDUCATION DEPARTMENT

**Tibbiyot sohasida tez va oson ish topish
istagida bo'lganlar diqqatiga!!!**



Concord Rusam, Inc. xususiy maktabi sizga AQShda eng kerakli bo'lgan tibbiyot kasblari bo'yicha ta'lim olish imkoniyatini beradi. Quyidagi qisqa muddatli o'quv kurslarini taklif etamiz:

- Certified Nurse Aide (CNA)
- Phlebotomy Technician
- Electrocardiography Technician (ECG)
- Patient Care Technician (PCT) – Includes Certified Nurse Aide, Phlebotomy Technician, and Electrocardiography Technician.
- Medical Billing and Coding (MB&C)
- Home Health Aide (HHA)
- Upgrade of Personal Care Aide to Home Health Aide (PCA-HHA)

Concord Rusam nazariy va amaliy bilimlar beradi. O'qish so'ngida maktab binosida imtihonlar topshiriladi.

Shuningdek, maktabimiz **hamshira (Registered Nurse) litsenziyasini olish uchun** topshiriladigan NCLEX imtihoni uchun Tayyorgarlik kursini ham tashkil etadi. Ushbu kurs leksiya, kitoblar, qo'shimcha materiallar, test savollaridan iborat CD hamda videodarslar asosida olib boriladi.

Qo'shimcha ma'lumot va ro'yxatdan o'tish uchun quyidagi raqamlarga qo'ng'iroq qilishingizni so'raymiz:
Tel: 212-619-2260 Toll Free: 877-787-4500 Fax: 212-6192263
E-Mail: info@concordrusam.com
Website: www.concordrusam.com
Address: 160 Pearl St. 3rd Fl. New York, NY 10005

**Professional & Affordable
Computer Repair & Services**



- Operating System Install / Repair
- Virus and Spyware removal
- Windows system Optimization
- Recovering deleted documents
- PC Hardware Replacement
- Parental Controls

+ Diagnosing & Optimizing at NO COST

We go directly to your home or office

**Тез ва Қулай
Компютер Тузатиш**



- Операцион системани созлаш
- Вирусларни учирши
- Виндовсни Оптимизация қилиш
- Учиб кеткан файлларни тиклаш
- Компютерга ота-она назоратини ўрнатиш

Уйингиз ёки ишхонангиздаги компютерни созлаш

"Individual Computer Learning Courses"
Microsoft Office • Movie maker • Installing Programs
Adobe Photoshop • Adobe Illustrator • Web Designing



**Call for appointment
T: (347) 445-4648
Shohruh**

**2705 Coney Island Ave
Brooklyn, NY 11235
nyComRe@gmail.com**

Телефонда дугонам билан гаплашар эканмиз, яқинда телевизор сотиб олганини айтиб қолди. Телевизорни ёмон кўрадиган дугонамнинг бу хариди мени ҳайрон қолдирди. Сабабини сўрасам:

– Болаларни уйда олиб ўтиришни иложи йўқ, кўчага чиқиб кетаверади, кетаверади. Сал ишга уннамас бўлди, дарров йўқ бўлиб қолишади. Шунга уйда ушлаб туради, деб сотиб олдим.

Сухбат тугади, аммо кўнглимда бир фашлик пайдо бўлди.

Биз киммиз?

Қаерга қараб кетаяпмиз?

Масъулиятларимиз ёдимиздами?

Ҳозирги кунда кўп ота-оналар, болаларни тинчйтишнинг энг осон йўлини билиб олганлар. Савол билан ёнимизга келган фарзандимизнинг жажжи кўлчаларига пультни топшириб “Бор, телевизор кўр”, дея оқ фотиҳа бериб уни экран ёнига жўнатамиз. Кўпгина болалар экранга тикилиб кун буйи ўтиришдан ҳам чарчашмайди. Улар кўрадиган каналлар ҳам кўп, “«Jetix», «Nickelodeon».

Каналлар турли туман болалар мультфильмлари билан тўла. Ва бу мультфильмларнинг ҳаммаси чет элда суратга олинган. Бу битмас туганмас “хазина” соҳиби бўлганимиздан сўнг, биз ҳам ўтириб бироз тин олсак бўлади. Аммо бу аслида шунчалар зарарсиз мультфильмларми? Кун билан телевизор қаршида ўтирган фарзандимиз ўзига бу фильмлардан нима олмоқда?

Хотирлаб кўрингчи, ота боболаримиз фарзандларини қай тарзда овутишган? Тўғри, улар эртақ, матал ва халқ оғзаки ижодидан лавҳалар айтиб беришган. Ва шу билан янги авлодда ўз динининг, ўз миллатининг тарихини сўзлаб берган. Фарзандлар халқининг урф одатларини эртақ ва маталлар билан бирга ўзларига сингдиришган. “Қуш уясида кўрганини қилади” мақоли шиори остида иш туттишган.

Замонавий мультфильмлар ҳам бизнинг фарзандларимиз учун худди ўша ота боболаримиз айтган эртақ ва матал каби. Фақат бу эртақ ёки матални бобомиз ёки момомиз эмас, биз танимаган, дунёқараши ва динидан хабаримиз бўлмаган бир “амаки” кўрсатади.

Хўш, биздаги энг қимматбахо дурларимизни биз кимга ишониб топшириб қўйдик?!

Қани, сиз ҳам экран ёнига яқинроқ ўтиринг-да, мана шу фарзандингиз узукун кўраётган фильмлардан бирортасини томоша қилинг. Нафақат томоша қилинг, балки ўрганинг ҳам. Эcran сизнинг фарзандингизга нимани ўргатаётганини ўрганинг.

Эртақ бола онгининг илк пойдевори – унга кўра бола атроф билан муносабатини қуради, дунёни таний бошлайди. Яхшилик ва ёмонлик, дўстлик ва

ҳаракатларига биз сезмайдиган тарзда “салбий” ҳаракатлар кўшилган. Улар уришишади, баъзи ҳолларда бошқа қахрамонларни дўппослайди, ўлдиради. Бу каби ҳолатлар болаларда шафқатсизлик ва бировни устидан кулиш сифатларини келтириб чиқаради.

Биз сизга бир мисол келтираемиз. “Широқ” (Шрек) номли мультфильмни кўпимиз кўрганмиз. Айтингчи, широқ, малика ва қушча бирга кўшиқ айтишганда ва кўшиқ охирида қушча нобуд бўлганида фарзандларингиз йиғлаганми? Менимча, йўқ. Чунки айнан шунда фильм ижодкорлари ҳаракат қилишган. Бу ҳодиса, яъни ўлим, жуда ҳам завқли ва кулгили ҳолатда кўрсатилган. Уша нобуд бўлган қушчанинг тухумларичи, уларни қахрамонлар иштаҳа билан паққос туширмоқчи бўлганда, бирорта фарзандингиз,



“Уларнинг ичидан қушчалар чиқиши мумкин эди”, дедими? Фильмдаги шиширилган қурбақая, илонлар эса зарарсиз шўхликлар сирасига кириб қолади.

Нафрат, муштлашиш ва қотилликлардан қўйиб фильмларда кўрсатилган шахвоний муносабатларга ўтайлик. Йўқ, сиз адашмадингиз, биз ҳали-ҳануз болалар мультфильмлари таҳлилинг олиб бораёпмиз.

Бизнинг миллий халқ эртақларимизда бу ҳақда бирон нарса дейилганми? Эртақларимиз ҳам доим “шундай қилиб улар ўз муродларига етишибди”, деган ибора билан тугаган. Аёл рамзи, ҳар доим гўзал, ифорли, ҳаёли ва гўзал хушсурати билан ҳар доим гўзал ақл соҳиби бўлганлиги таъриф этилган.

Замонавий мультфильмларда кўрсатилаётган қизлар, баъзи ҳолларда кичик қиз бўлишига қарамасдан, катта аёллар каби гўзал қоматлари бор. Улар бу гўзал қоматдан “тўғри” равишда

фойдаланишни биладилар. Кийимлари ҳам “замонавий”, худди балиқ тўридек. Айниқса эътибор кўпроқ юзидан кўра қомати қаратилган. Яъни аёлнинг юзи қалб оламининг кўзгуси сифатида эътиборга лойиқ эмас, муҳими, унинг қомати.

Хўш, бу фильмлардаги аёл ва эркак ёки йигит ва қиз муносабатлари қай тарзда ривожланади?

Ўзимизда ишлаб чиқарилган мультфильмларда бирор жойида бўса олиш саҳнасини кўрмайсиз. Аммо ҳозирда фарзандларимиз кўраётган фильмларда эса киз белидан пастга туширилган шап-патида хурсанд бўлишади ва йигитга “кўз” сузишади. Ҳайрон бўлманг, фақат бироз эътибор билан қарасангиз, фильмларда бунақа саҳналарни кўп кузатасиз.

“Том ва Жерри” мультфильмининг эслаб кўринг. Бу фильмнинг бир саҳнасида Томнинг дугониси қай тарзда унга кўз сузиб, қай тарзда гавдасини тутди.

Эcran ортида реклама қилинаётган бу феъл-атворларни фарзандингиз ўзлаштирса, хурсанд бўласизми?

“Ҳар бир савбазотнинг ўз вақти бор”, дейдилар яхшилармиз.

Бу каби “катталар”га таалуқли мавзуларнинг болалар онгига қуйиш, уларни ақлий ривожланишларига путур етказадди. Улар бу каби мавзуларга жисмоний ва руҳий тарафдан ҳали тайёр эмаслар. Ҳозирда бу кулгили ва ҳазил бўлиб туюлаётган бўлса ҳам, келажакда уларнинг оилавий ва жинсий ҳаётлари жиддий таъсир ўтказиши мумкин.

Замонавий мультфильмларда она сиймоси деярли йўқ. Бўлса ҳам, бош қахрамонларнинг ишларига ҳалақит берувчи шахслар сифатида келтирилган. Миллий эртақларимизда эса она бу – раҳмдил, ёрдамга ҳозир бўлган шахслар сифатида келтирилган. Муслмонимиз, жаннат оналар оёғи остида эканлигини ёшлигимиздан ўргатишган. Биз ўша оналарга ўхшагимиз келади, улғайгач, улар каби бўлишни орзу қиламиз. Аммо замонавий оналар сиймоси ҳақида ундай дея олмаймиз.

Биз киммиз, қаерга кетмоқдамиз ва бизни қандай келажак кутмоқда?

Мадина ЗАРИФ

Amerikada o'zbek to'ylarida xizmat qilamiz.
Video tasvirga olish va montaj
Fotosuratga olish Tel: 202-716-3683
E-mail: photovideo@uzland.biz
Web: http://www.uzland.biz
UzLand Productions

KHAYMANS
Доставка товаров в Узбекистан
Надежность, Оперативность и высокое Качество обслуживания

USA
3075 Brighton 14 street,
Apt.44b Brooklyn,
New York. 11235-5561
Tel: +13477223850
+14077220408

E-mail: info@khaymans.com
Web: www.khaymans.com

Ўзбекистан
3 ул. Муқимий,
Яккасарайский р-н,
Ташкент.
Тел: +99871 2806224
Моб: +99897 1113326

UZBEKISTAN Always

Unlimited Business Technologies, Inc.
Sales, Leasing, Service and Supplies
for commercial business equipment
Copiers • Laser Printers • Fax • Commercial Scanners
Excellent prices, Direct lending, Good response time
unlimitedbt@yahoo.com
347-673-5661 2456 East 17th Street, Brooklyn, NY 718-615-7900

Print Only With Us, Corp.
Copies • Color and B/W
Wide Format • Banner printing
BLUEPRINTS Print Copy Scan
Post cards • Promotion Cards • Magazines
Envelopes • Letterheads • Brochures
Business Cards • Flyers • Menus
and much more!
PrintOnlyWithUs@Gmail.com